



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

### **Odluka**

**o dodjeli jednokratne novčane pomoći zakupcima prodajnog mjesta na Pijaci „Kvadrant”  
na Otoci, općina Novi Grad Sarajevo**

**Predlagač:** Gradonačelnica

**Obrađivač:** Gradska Služba za lokalno poslovanje

**Sarajevo, novembar 2023. godine**

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada, na \_\_. sjednici održanoj dana \_\_. \_\_. 2023. godine, donijelo je:

**(Prijedlog)**

**Odluku  
o dodjeli jednokratne novčane pomoći zakupcima prodajnog mjesta na Pijaci „Kvadrant”  
na Otoci, općina Novi Grad Sarajevo**

**Član 1.**

**(Predmet Odluke)**

Gradsko vijeće Grada Sarajeva daje saglasnost gradonačelnici Grada Sarajeva da iz Budžeta Grada Sarajeva za 2023. godinu osigura novčani iznos od 100.000,00 (stotinhiljada) KM za dodjelu jednokratne novčane pomoći zakupcima prodajnog mjesta na Pijaci „Kvadrant” na Otoci, a koji su uslijed požara na predmetnom lokalitetu izgubili svoje radno mjesto.

**Član 2.**

**(Način realizacije)**

Jednokratne novčane pomoći iz člana 1. Odluke bit će realizirane putem Javnog poziva, kojeg će putem nadležne službe raspisati gradonačelnica Grada Sarajeva nakon stupanja na snagu ove odluke.

**Član 3.**

**(Pravo na isplatu i način utvrđivanja visine jednokratne pomoći)**

- (1) Pravo na isplatu jednokratne novčane pomoći shodno ovoj odluci ostvarit će fizička lica koja dostave potvrdu od KJKP „Tržnice – pijace” Sarajevo d.o.o. da su na dan 05.11.2023. godine imali važeći ugovor o zakupu prodajnog mjesta na Pijaci „Kvadrant” na Otoci, općina Novi Grad Sarajevo.
- (2) Iznos jednokratne novčane pomoći bit će utvrđen dijeljenjem ukupno odobrenog iznosa s brojem potpunih prijava s tim da iznos jednom fizičkom licu ne može biti veći od 1.700,00 KM.
- (3) Odobrena sredstva su interventna i namijenjena su za egzistencijalne potrebe fizičkih lica koja su izgubila svoje radno mjesto u požaru na Pijaci „Kvadrant” na Otoci i njihovih porodica.

**Član 4.**

**(Finansijska sredstva)**

Sredstva iz člana 1. ove odluke osigurati će se dijelom iz sredstava tekuće rezerve, pozicija 600000, i to u iznosu od 5.000,00 (pet hiljada) KM, a u preostalom dijelu sredstva će se osigurati preraspodjelom sredstava u Budžetu Grada Sarajeva za 2023. godinu.

**Član 5.**

**(Realizacija Odluke)**

Za realizaciju ove odluke zadužuje se gradonačelnica Grada Sarajeva, koja će istu realizovati putem nadležnih Gradskih službi.

**Član 6.**

**(Stupanje na snagu)**

Ova odluka stupa na snagu objavljivanjem u „Službenim novinama Kantona Sarajevo“.

**PREDSJEDAVAJUĆI GRADSKOG VIJEĆA**

**Jasmin Ademović**

Broj:  
Sarajevo, \_\_. \_\_. 2023. godine

## **OBRAZLOŽENJE**

### **PRAVNI OSNOV**

Pravni osnov za donošenje Odluke sadržan je u članu 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23), kojim je propisano da Gradsko vijeće donosi odluke, druge propise i opće akte i daje njihovo tumačenje.

### **RAZLOZI DONOŠENJA**

Dana 05.11.2023. godine došlo je do velikog požara na Pijaci „Kvadrant“ na Otoci, općina Novi Grad Sarajevo. Tom prilikom u potpunosti je uništen prodajni prostor na kojem su radile desetine lica ostvarujući prihode za svoju i egzistenciju svojih porodica. Tom prilikom uništena je ili oštećena i roba koju su na tom mjestu prodavali. Predstavnici vlasti Kantona Sarajevo, Grada Sarajeva, Općine Novi Grad Sarajevo i KJKP „Tržnice – pijace“ Sarajevo d.o.o. konstatirali su da je nastupila višemilionska šteta na imovini KJKP „Tržnice - pijace“ Sarajevo d.o.o. i robi koja je bila vlasništvo zakupaca na pomenutoj pijaci. Pored navedene štete konstatirano je da su zakupci na pijaci izgubili i svoje radno mjesto sve dok se šteta na pijaci ne sanira i dok im se ponovo ne osiguraju uvjeti za rad. Obzirom da predmetni zakupci od svoje djelatnosti svakodnevno osiguravaju egzistenciju za sebe i svoje porodice, neophodna im je jednokratna pomoć kako bi osigurali egzistencijalne potrebe na neko vrijeme. Uvažavajući činjenicu da se nesreća desila na području Grada Sarajeva i da je njome pogođena egzistencija više stotina ljudi, Gradsko vijeće Grada Sarajeva odlučilo se na interventno postupanje i dodjelu jednokratne novčane pomoći. Ova pomoć se ne može tretirati kao nadoknada za pretrpljenu štetu koju će utvrđivati drugi organi u zakonom propisanom postupku.

### **FINANSIJSKA SREDSTVA**

Finansijska sredstva bit će osigurana u Budžetu Grada Sarajevo za 2023. godinu.